

REGLUR

um skrár í skipum, sem flytja vörur til Íslands.

Í öllum skipum, sem flytja til Íslands vörur, sem eiga að flytjast þar úr skipunum, skulu vera minnst 3 eintök af skráum yfir þessar vörur, og auk þess sérstakar skrár yfir þær vörur, sem eiga að affermast á hverri einstakri affermingarhöfn. Skrár þessar eru kallaðar hér farmskrár skipanna. Tvö af fyrrgreindum farmskráreintökum og skrárnar fyrir hverja einstaka affermingarhöfn skulu ætlaðar tollstjórninni á Íslandi.

Farmskrár frá hverri fermingarhöfn skulu vélritaðar eða svo greinilega skrifaðar, að auðvelt sé að lesa þær. Á skránum, sem skulu vera í samræmi við farmskirteini þau eða fylgibréf, sem eru gefin út fyrir vörum þeim, sem skipin flytja, skulu eftirgreind atriði vera greinilega tilgreind:

1. Nafn skips.
2. Nafn skipstjóra.
3. Fermingarhöfn.
4. Affermingarhöfn.
5. Brottfarardagur frá fermingarhöfn.
6. Númer á farmskirteini eða fylgibréfi.
7. Sendandi vöru.
8. Viðtakandi vöru. Ef farmskirteini er stílað „að tilvisun“, er þó nægilegt að tilgreina nafn þess, sem tilkynna skal komu sendingarinnar. Óheimilt er með öllu að tilgreina aðeins „að tilvisun“.
9. Merkin og númerin á hverri vörusendingu.
10. Tölu og tegund stykkja.
11. Vörutegund.
12. Þunga hverrar vörutegundar, og ef um óunninn eða lauslega unninn trjávið er að ræða, rúmmál hans.
13. Flutningsgjald hverrar vörusendingar og hvort flutningsgjaldið sé greitt eða ógreitt. Tilgreina skal flutningsgjald samkvæmt gjaldskrá eða almennt gildandi taxa án sérstaks afsláttar.

Farmskrár skulu gerðar þannig, að á sama blaði verði aðeins vörur til sömu affermingarhafnar. Sendingar til sömu affermingarhafnar skulu skráðar í óslitinni töluröð og skal þyngd þessara sendinga til sömu affermingarhafnar lögð saman og heildarniðurstaðan tilgreind. Ef sending er útstrikuð eða þyngd er leiðrétt, ber að breyta heildarniðurstöðunni af samanlagðri þyngd sendinganna til sömu affermingarhafnar í samræmi við það.

Ónauðsynlegt er, að skráðar séu á farmskrár skipanna:

1. Venjulegar nauðsynjar til skipanna sjálfra, sem eiga að vera áfram um borð, en þegar meta skal hvað séu venjulegar nauðsynjar ber að taka tillit til stærðar skipanna, hvaða ferðum þau eru í og um hvaða nauðsynjar er að ræða. Við komu skipanna til fyrstu afgreiðsluhafnar á Íslandi skulu skipstjórar afhenda tolleftirlitinu skrá yfir vistaforðann og aðrar skipsnauðsynjar, sem hér um ræðir.
2. Hluti, sem farþegar, sem eru með skipunum, hafa meðferðis í ferðatöskum og umbúðum, þar sem fót þeirra eru geymd og almennt er ekki greitt sérstakt flutningsgjald fyrir. Hafi hlutir þessir verið settir til geymslu í hinum eiginlegu vörurúmum skipanna með vörum, sem eiga að vera á farmskrám, ber skipstjórum að afhenda tolleftirlitinu á fyrstu afgreiðsluhöfn skrá yfir þessa hluti, ef þeir eru ekki skráðir á farmskrá skipanna.

3. Hluti, sem skipverjar — skipstjóri talinn með — hafa í skápum sínum, skipskistum, fatapokum og þess háttar, ef hlutir þessir eru skráðir á skrá þá yfir skipverja og vörur þeim tilheyrandi um borð, sem skipstjórum ber að afhenda toleftirlitinu við komu skipa til fyrstu afgreiðsluhafnar.

Tvö eintökin af farmskránum — og skal annað þeirra vera frumrit skrána — yfir allar þær vörur, sem eiga að flytjast til Íslands, skulu vera tölusett með blaðsíðutali og hinum einstöku blöðum raðað eftir affermingarhöfnum í þeirri röð, sem þær eru taldar hér á eftir í skránni yfir tollhafnir á Íslandi. Þá skulu þessi tvö eintök samheft eða gegnumdregin og við þær fest yfirlýsing skipstjóra eða afgreiðslumanns skips fyrir hans hönd, að hann viti ekki til þess, að á hlutaðeigandi fermingarhöfn hafi verið fermdar í skipið aðrar eða fleiri vörur, sem eigi að vera á farmskrám, en þær, sem skráðar séu á viðfestar farmskrár, og hann viti ekki annað en að allar aðrar upplýsingar, sem á skránum eru, séu í alla staði réttar. Undirskrift þessi skal vera staðfest af sendiherra eða sendifulltrúa eða ræðismanni Íslands á fermingarstaðnum, ef hann er þar, en ella af tollyfirvaldinu þar. Þegar þannig hefur verið gengið frá farmskráreintökum þessum skulu þau sett í umslag merkt tollstjórninni á Íslandi, en skipstjóra ber að afhenda það á fyrstu afgreiðsluhöfn skipsins þar.

Nú eru í skipi, sem hefur viðkomu á Íslandi, vörur, sem óaffermdar eiga að fylgja skipinu áfram til útlanda, og skal þá skipstjóri hafa meðferðis sérstaka skrá yfir þessar vörur og skal toleftirlitið hafa aðgang að þessari skrá.

Ef farmskrár fylgja ekki skipi, samdar eins og mælt er fyrir, eða ef vanrækt er að afhenda toleftirlitinu farmskrár, varðar það skipstjóra sektum, allt að 5000 kr. Auk þess ber skipseigandi kostnað við talningu úr skipum, ef farmskrár reynast rangar við talningu eða rannsókn. Loks getur toleftirlitið bannað affermingu skips þar til farmskrár hafa verið afhentar í fyrirskipuðu formi.

Skrá yfir tollhafnir á Íslandi,

en aðeins á tollhöfnum er heimilt án sérstaks leyfis tollstjórnarinnar að afferma úr skipi vörur, sem það skip hefur flutt til landsins.

- | | |
|-------------------------------|--------------------------------------|
| 1. <u>Reykjavík.</u> | 22. Blönduós. |
| 2. Akranes. | 23. Skagaströnd. |
| 3. Borgarnes. | 24. Sauðárkrókur. |
| 4. Sandur. | 25. Hofsó. |
| 5. Ólafsvík. | 26. <u>Siglufjörður.</u> |
| 6. Stykkishólmur. | 27. Ólafsfjörður. |
| 7. Búðardalur. | 28. Dalvík. |
| 8. Salthólmavík. | 29. Hrísey. |
| 9. Flatey á Breiðafirði. | 30. Hjalteyri. |
| 10. Patreksfjörður. | 31. <u>Akureyri.</u> |
| 11. Bildudalur. | 32. Húsavík. |
| 12. Þingeyri í Dýrafirði. | 33. Kópasker. |
| 13. Flateyri í Önundarfirði. | 34. Raufarhöfn. |
| 14. Suðureyri í Súgandafirði. | 35. Þórshöfn. |
| 15. Bolungarvík. | 36. Höfn í Bakkafirði. |
| 16. Ísafjörður. | 37. Vopnafjörður. |
| 17. Norðurfjörður. | 38. Bakkagerði í Borgarfirði eystra. |
| 18. Djúpavík í Reykjarfirði. | 39. <u>Seyðisfjörður.</u> |
| 19. Hólmavík. | 40. Nes í Norðfirði. |
| 20. Borðeyri. | 41. Eskifjörður. |
| 21. Hvammstangi. | |

126
1. maí

42. Búðareyri í Reyðarfirði.
43. Búðir í Fáskrúðsfirði.
44. Stöðvarfjörður.
45. Breiðdalsvík.
46. Djúpvogur.
47. Höfn í Hornafirði.
48. Vík í Mýrdal.

49. Vestmannaeyjar.
50. Stokkseyri.
51. Eyrarbakki.
52. Þorlákshöfn.
53. Keflavík.
54. Hafnarfjörður.

Öll skip, sem koma til Íslands frá útlöndum og koma ætla á aðrar hafnir en ofangreindar hafnir nr. 1, 26, 31, 39 og 49, skulu á leiðinni frá útlöndum taka höfn í einhverri þessarra hafna til þess að fá þar fyrstu afgreiðslu, nema þau þurfi að leita annarra hafna í neyð, enda sannist það í sjóprófi, að um neyðarhöfn hafi verið að ræða.

Fjármálaráðuneytið, 1. maí 1941.

F. h. r.

Magnús Gíslason.

Einar Bjarnason.

127
28. júní

GJALDSKRÁ OG REGLUR

um leigukjör á talstöðvum (gerð F), sem landssíminn lætur á leigu í íslensk skip.

1. gr.

Skipseigandi eða útgerðarfélag, sem óskar að fá talstöð í íslenskt skip, sendi skriflega umsókn til póst- og símamálastjórnarinnar, sem gefur út leyfisbréf fyrir stöðina og önnur skirteini.

2. gr.

Landssíminn leggur til senditæki og viðtæki með lömpum. Eru tækin eign landsímans og leigir hann skipseiganda þau. Landssíminn annast uppsetningu tækjanna, en skipseigandi kosti loftnetsbúnað stöðvarinnar (loftnet og jarðnet), sem haga skal samkvæmt fyrirmælum landssímans, einnig kaupir hann rafgeyma og hleðslutöflu fyrir stöðina og kosti lögn frá geymunum til hleðslutöflu.

Leigutíminn er minnst 1 ár í senn. Að skemmstum leigutíma liðnum má segja leigu stöðvarinnar upp til áramóta með minnst þriggja mánaða fyrirvara.

3. gr.

Áður en leigutaki fær stöðina afhenta, skal hann tilkynna póst- og símamálastjórninni skriflega, hverjum hann felur vörzlu stöðvarinnar, enda verði sá maður að hafa fengið skirteini talstöðvarvarðar. Enginn annar en sá, sem hefur slikt skirteini, má starfrækja stöðina en þó er hún ávallt undir yfirumsjón skipstjóra.

4. gr.

Bæði talstöðvarverði og skipstjóra er skylt að undirrita þagnarheit og haga starfrækslunni í einu og öllu eftir fyrirmælum landssímans og hlýða þeim ákvæðum og reglum, sem settar eru eða settar kunna að verða. Verði misbrestur á þessu, getur póst- og símamálastjórnin afturkallað starfræksluskirteini talstöðvarinnar, lokað stöðinni eða tekið hana úr skipinu.

5. gr.

Talstöð af gerð F felur í sér:

1 lampasendi með ca. 10 watta orku og má á venjulegum tímum stilla hann á